



وسایل معاینه کدو ده خانه راهنمایی

چهار مرحله آسان که
می‌تونه جان شومو ره
نجات بیدیه.

شماره تلفن وسایل معاینه
1800 930 998

www.cancerscreening.gov.au



**SONIC
HEALTHCARE**
Quality is in our DNA



اسپانسر

r-biopharm

34 WOODFIELD BOULEVARD CARINGBAH NSW 2229

سازنده



www.cancerscreening.gov.au

سوالات ؟

اگه ده باره ازی که چی رقم ای معاینه ره انجام بیدین سوال
درین، ده شماره کمک ازمو زنگ بیزنید **1800 930 998**
(بین روز های دوشنبه تا جمعه از ساعت 7.30 صبح
تا 10 شام AEST/AEDT و روز های شنبه و یکشنبه
از ساعت 9 صبح تا 7 شام). همچنان میتنید ای فیلم ره
توخی کنید

www.cancerscreening.gov.au/bowel



بلده مالومات بیشتر ده زبان خودگون خو ده ویسایت
www.cancerscreening.gov.au/translations
مراجعه کنید. یا ده شماره خدمات ترجمانی **13 14 50**
تماس بیگیرید.




نتیجه شومو

نتیجه معاینه شومو بلده خودگون شومو یا داکتر شومو
(البته اگه نام شی را داده بشید) چند هفته باد از که سمپل
خو پوست کدید، ریی موشه.

مرحله 4 - رای کدو


1. فورم جزئیات
اشتراک کننده
ره پور کنید.



2. نام و آدرس خود ده
پشت پاکت بازپرداخت
نوشته کده و پیش
روی شی ره امضا
کنید.



3. فورم جزئیات اشتراک
کننده و دو قوطی ره
ده بین پلاستیک زیپ
کده انداخته و داخل
پاکت خط بازپرداخت
بندزید و سر شی ره
بسته کنید.




4. پیش از 24 ساعت
پاکت خط ره ده پست
آفیس بوبرید یا باد از
4 بجه دیگر خودگون
شومو پوست کنید و
ده باکس پوست آفیس
بندزید.



سمپل ها باید سرد بومنان ازو خاطر ده جای گرم
مثل داخل موتر نیلید.

راهنمایی

ای وسایل شامل چیزهایی زیر است




2 دانه قوطی جمع آوری



2 دانه تکه بلده تشناب



1 دانه پلاستیک زیپ دار 1 دانه پاکت خط بازپرداخت شده



پیش ازی که شروع کنین

کارهایی ره که باید انجام بیدین

✓ شومو لازم نیسته که ده غذا یا دوا خوردون خو کودم تغیری بیارین.

✓ شومو باید دو دانه سمپل کوچک مواد غائطه، از دو دفعه تشناب رافتون خودو جمع کنید – هر دفعه شی از تشناب رافتون جدای شومو بشه. فاصله ده بین 2 تشناب رافتون شومو هر چی کمتر بشه، بهتره.

✓ همی سمپل جمع شده ره پیش از پوست کدون خو، ده هوای بین 2 تا 8 درجه سانتی گراد نگاه کنید. (بهتره ده یخچال نگاه کنید، مقصد ده فریزر نباید بیلید).

ده حالات های پائین نباید ای معاینه ره

انجام بیدین:

✗ بواسیر خونی. ده صورت داشتون بواسیر خونی باید داکتر خوره بنگرید.



✗ اگه ده ادرار، مواد غائطه یا ده داخل توالت، خون اوش کدید، باید قد داکتر خو توره بوگید.

✗ وقتی که قاعدگی یا عادت مایانه شومو رسید، یک چند روز صبر کنید، پیش ازی که ای معاینه ره انجام بیدین.

مرحله 1 - آمادگی

1. ده یکی از قوطی ها، لیست پایین ره نوشته کنید:

- نام کامل خوده ده
- قسمت [N]
- تاریخ تولد ده قسمت [A]
- تاریخ که آنره می گیرین
- سمپل ره گرفتید ده
- قسمت [D]



2. قبل از جمع کدون سمپل، مئانه خوده خالی کنید (ادرار کنید) و توالت ره هم فلش کنید.

3. لینر توالت ره ده سر آب توالت، ده داخل سوراخ شی آوار کنید.

نوشته شی باید روی شی باله بشه.




4. اگه لینر توالت ده زیر آب شد، پروا ندره، شومو میتنید که بازم سمپل خو بیگرید. ده غیر ازو میتنید، دوباره یک کیت جدید درخواست کنید.

مرحله 2 - جمع آوری کدو


1. مواد غائطه خوده سر لینر توالت کنید.




2. قوطی جمع آوری ره با دور دادن سرپوش سبز شی، باز کنید.



3. قد چوبک، ده دوروبر و تمام جای های مواد غائطه خو بیزنید.



سمپل خیلی ریزه باید بشه – از یک دانه برنج هم ریزه تر.



4. چوبک ره پس داخل قوطی جمع آوری انداخته و سر قوطی ره بسته کنید.

قوطی ره چند دفعه شور بیدین. چوبک شیرده دگه از قوطی بور نکنید.



5. لینر توالت و مواد غائطه باقی مانده ره فلش کنید. دست های خوده بشوید.


مرحله 3 - نگاه کدو و تکرار کنید

1. قوطی ره داخل پلاستیک زیپ دار بیلید.

2. سمپل خوره ده داخل یخچال بیلید (ده فریزر نیلید).

3. مرحله 1-3

ره دفعه دوم، هروقت که دوباره تشناب رافتید، تکرار کنید. (همو روز شی، روز بعدی شی، یا هرچی زودتر که تنستید).



ده صفحه دگه بلده مرحله 4 بورید.

”ای معاینه شاید بلده شومو غیر قابل تحمل یا سخت مالوم شونه، ولی ای یک معاینه پاک و آسان است و میتنه که جان شومو ره نجات بیدیه. فقط دو دفعه تشناب رافتنی استید و لازم استه که سمپل ها ره پوست کنید و خلاص.“